



IROMAG

Odlazni studenti



by IROUNMO

U OVOM BROJU

PRVI MART

8 MART

IFTAR

DARIVANJE KRVI

BEST MOSTAR HAKATON

DEBATA

Svjetski dan poezije engleski: World Poetry Day
UNESCO je proglasio 21. marta 1999 godine s ciljem promoviranja čitanja, pisanja, objavljivanja i poučavanja poezije širom svijeta. Na proglašenju praznika rečeno je da treba odavati priznanje i podsticaj nacionalnim, regionalnim i internacionalnim poetskim pokretima.

DAN NEZAVISNOSTI BIH

By IROUNMO

Dan nezavisnosti Bosne i Hercegovine nacionalni je praznik koji se obilježava 1. marta svake godine, a kojim se proslavlja nezavisnost Bosne i Hercegovine.

Prvi mart se obilježava kao Dan nezavisnosti Bosne i Hercegovine još od 1992. godine. Naime, 29. februara i 1. marta 1992. godine, u Bosni i Hercegovini, održan je referendum o nezavisnosti Bosne i Hercegovine od SFRJ. Većina Bosanaca i Hercegovaca izjasnila se tada pozitivno - glasali su za demokratsku i nezavisnu Bosnu i Hercegovinu, državu ravnopravnih građana.

Zemlje članice Evropske zajednice su 6. aprila 1992. godine, a dan kasnije i Sjedinjene Američke Države priznale Bosnu i Hercegovinu kao nezavisnu i suverenu državu. Republika Bosna i Hercegovina je 22. maja 1992. godine postala članica Organizacije ujedinjenih naroda. Nažalost, u isto vrijeme oružani sukobi u pojedinim dijelovima Bosne i Hercegovine prerasli su u pravu agresiju i ratni požar, koji je prouzrokovao ogromne ljudske žrtve i patnje, kao i materijalna razaranja.

Uspješnim otporom građana Republike Bosne i Hercegovine agresiji i zalaganjem Vlade Republike Bosne i Hercegovine za multietničku i demokratsku državu ravnopravnih naroda, BiH je očuvala svoj državopravni i historijski kontinuitet.



SVEČANI RUČAK POVODOM 8. MARTA DAN ŽENA

By IROUNMO

Rektorica Univerziteta „Džemal Bijedić“ u Mostaru prof. dr. Alena Huseinbegović priredila je svečani ručak uz druženje i zabavu povodom obilježavanja 8. marta – Međunarodnog dana žena. Svečanost je organizovana u Hotelu Almira kao gesta zahvalnosti i dubokog poštovanja prema svim zaposlenicama Univerziteta „Džemal Bijedić“ u Mostaru koje svojim predanim radom, posvećenošću i zalaganjem kontinuirano doprinose razvoju ove visokoškolske ustanove.

Svečani ručak i druženje protekli su u nezaboravnoj atmosferi uz zabavni muzički program za koji je zaslužan mostarski pjevač Dino Memić zajedno sa bendom.

Predivno druženje zaposlenica Univerziteta „Džemal Bijedić“ u Mostaru dodatno je ojačalo međusobnu povezanost, pružajući inspiraciju i motivaciju za nove radne izazove, pobjede i uspjehe!

"Uspjeh svake žene trebao bi biti inspiracija za drugu. Najsnažnije smo kada navijamo jedna za drugu" zajednička je poruka sa današnjeg druženja zaposlenica Univerziteta "Džemal Bijedić" u Mostaru.



STUDENTSKI IFTAR NA FIT-U

By IROUNMO

Druženje, smijeh i zajedništvo obilježili su današnji studentski iftar na Fakultetu informacijskih tehnologija!

Studentski iftar u organizaciji Asocijacije studenata Fakulteta informacijskih tehnologija održan je u dvorištu Fakulteta informacijskih tehnologija u četvrtak 21.3.2024. godine.



• ASFIT •

Asocijacija studenata Fakulteta informacijskih tehnologija

* ORGANIZUJE *

Studentski iftar

🗓️ ČETVRTAK 21. 3. 2024.

📍 DVORIŠTE FIT-a

BROJ PRIJAVA OGRANIČEN!
Prijave na linku u opis profila @asfitmo

Iftar su omogućili: Fakultet informacijskih tehnologija, Unija studenata UNMO, Hotel Tere, Meschiny, Urban taste of orient, Hotel Ada Blagaj, Grill Happy story, Bar & Resto Carpe Diem, Buregdžnica Visak, GiftShop Surprises i Urban Forest.



DARIVANJE KRVI

By IROUNMO

Unija studenata UNMO u srijedu, 06.03.2024. godine u periodu od 10:00h do 12:00h organizovala je akciju dobrovoljnog darivanja krvi.

Svjesni činjenice kako su u ljetnom periodu bolnicama zalihe krvi potrebnije više nego inače, čemu se svjedočilo i posljednjih mjeseci objavljujući apele svim sugrađanima.


Na ovu akciju odazvali su se mnogi studenti Univerziteta kao i građani grada Mostara.



Akcija dobrovoljnog darivanje krvi



Akcija dobrovoljnog darivanje krvi



AKCIJA DOBROVOLJNOG DARIVANJA KRVI



DARUJ KRV, SPASI ŽIVOT!

SRIJEDA 06.03.2024.GODINE, DŽAMIJA NA KAMPUSU UNMO | 10:00H-12:00H

BEST MOSTAR - HACKATHON


By IROUNMO

Best Mostar - četvrta godina zaredom održavanja prestižnog IT takmičenja – Hackathona. Ovogodišnje događanje održano je u periodu od 8. marta do 10. marta.

Svi entuzijastični mladi talenti u dobi od 18 do 25 godina bili su u mogućnosti da se pridruže ovoj jedinstvenoj prilici za istraživanje, učenje i stvaranje.

Hackathon privlači pažnju velikog broja renomiranih kompanija koje podržavaju inovacije i razvoj u IT sektoru. Ovaj događaj pruža jedinstvenu priliku mladim nadama da steknu dragocjeno iskustvo, povežu se s liderima industrije i osvoje kvalitetne novčane nagrade.

Iskustvo: Ovaj događaj je više od takmičenja – to je prilika za obogaćivanje ličnog i profesionalnog iskustva. Rad s vrhunskim stručnjacima, učenje novih tehnologija i rad u stimulativnom okruženju samo su neki od benefita Hackathona.



The banner features a dark blue background with a network of white and purple lines connecting dots. At the top left is the BEST MOSTAR logo. The main text reads: 'Hackathon 2024 BEST Mostar', 'Explore * Connect * Elevate!', '<Hackathon/>', 'Jedinstveni događaj koji pruža priliku za učenje i nagrađuje znanje!', '8. , 9. & 10. Mart, 2024', 'PRIJAVI SE', and 'Intera Mostar'.

FINALNI DAN DEBATNOG TAKMIČENJA

By IROUNMO

Dana, 6. marta 2024., u prostorijama Pravnog fakulteta, održan drugi dan Debatnog takmičenja 2024. u organizaciji Unije studenata, Asocijacije studenata Pravnog fakulteta i Pravni fakultet Mostar - UNMO, a uz podršku Misije OSCE-a.

U finalnoj debati na temu „Predmetu vjersko obrazovanje je mjesto u javnim školama“ suočile su se ekipe Druga gimnazija 2 i Sari Saltuk 1, a pobjedu je odnijela ekipa Sari Saltuk 1 - Elektro-tehnička škola Salih Salko Ćurić Mostar.

Titule najboljih debatanata Debatnog takmičenja pripale su Amaru Obradoviću članu ekipe Sari Saltuk 1 i Amini Alispahić članici ekipe Gimnazija Bugojno 1.



DEBATNO TAKMIČENJE 2024



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

